

Usahasama Jaip, UMP lupus al-Quran

Ambil inisiatif sendiri keluar peruntukan bagi membangunkan sebuah mesin lupus al-Quran rosak akibat banjir

TEMERLOH — Jabatan Agama Islam Pahang (Jaip) akan bekerjasama dengan Universiti Malaysia Pahang (UMP) bagi mendapatkan mesin melupuskan al-Quran lama yang rosak akibat bencana seperti banjir.

Pengarah Jaip, Datuk Mohamad Noor Abdul Rani berkata, sehingga kini masjid di Temrin, Jerantut dan Masjid Abu Bakar di Temerloh telah mengambil inisiatif sendiri mengeluarkan peruntukan bagi membangunkan sebuah mesin melupuskan al-Quran yang rosak akibat banjir.

Menurutnya, Jaip juga pada masa sama telah membuat tempahan sebuah mesin melupuskan al-Quran daripada sebuah syarikat swasta bernilai RM38,000 di Kuantan.



Mohamad Noor mencuba guna mesin lupus al-Quran yang baharu dicipta di Masjid Abu Bakar.

"Kita akan bekerjasama dengan UMP dan sebuah syarikat yang membangunkan mesin yang sama di Temrin bagi

mendapatkan sebuah mesin yang sesuai.

"Kerjasama dengan UMP ini dibuat mernandangkan me-

reka mempunyai kepakaran seperti mempunyai bahagian kejuruteraan sendiri dan pen-syarah khusus dalam bidang

itu," katanya semalam.

Beliau berkata demikian selepas merasmikan Kursus Profesionalisme Imam Masjid Daerah Temerloh dan periyampaian sumbangan sebanyak 400 masknah al-Quran daripada Yayasan Ikhlas serta Pelancaran Mesin Melupus al-Quran rosak akibat banjir di Masjid Abu Bakar Temerloh di sini semalam.

Mohamad Rani berharap, masjid-masjid di daerah lain di negeri ini menggunakan mesin bagi melupuskan al-Quran yang rosak akibat banjir.

Beliau berkata, bagi daerah Kuantan sahaja sebanyak 10 tan al-Quran rosak akibat banjir sebelum ini dan jumlah itu sudah tentu lebih memandangkan beberapa daerah lain seperti Temerloh, Jerantut,

Bera dan Maran juga dilanda banjir hujung tahun lalu.

Sementara itu Kadi Daerah Temerloh, Badarudin Ahmad Bustami berharap orang ramai khususnya jawatankuasa masjid dan surau yang mempunyai al-Quran yang rosak akibat banjir boleh melupuskan al-Quran terbabit di masjid Abu Bakar Temerloh menggunakan mesin sedia ada.

Menurutnya, bayaran RM4 bagi setiap kilogram al-Quran yang akan dilupus perlu dibayar kepada masjid bagi menampung kos elektrik, gas dan lain-lain.

"Masjid Abu Bakar Temerloh telah mengeluarkan RM25,000 bagi membangunkan mesin ini untuk tujuan melupuskan al-Quran dengan kaedah yang betul," katanya.